

Vetus est traditio, cujus autor R. Josue fertur: Tribus vicibus portarunt Sacerdotes arcam. (Semel,) cum Jordanem pertransirent: (Deinde) illa die cum Hierichuntem circuirent: Et (denique) cum illam in locum suum deferrent. Quamprimum vero imbuti sunt pedes Sacerdotum aqua, retrocedebant illae, ceu scriptum est (vers. 15.) Cum pervenirent portantes arcam usque ad Jordanem, & pedes Sacerdotum portantium arcam intingerentur in extremitate aquarum ejus. Atque subjicitur (paulo post vers. 13.) & consistebant aquae, quae descendebant superne, consurgebantque in acervum unum &c. Quanta altitudo fuit aquarum? XII. milliarum respectu sc. castrorum Israelis; quae sententia R. Juda. Cui R. Elieser Filius Simeonis respondit. Hec opinio vix locum invenit: Nam utrum leviores (magisque velociores putas) hominesne an aquas? Dicendum utique aquas velociores esse. Quibus concessis (nisi dicatur aquas altius duodecim milliaribus accumulatas fuisse, sequeretur) venisse aquas & illos absorpsisse. Quin igitur potius docetur, coacervatas aquas & in immensum auctas, & porticus quasi porticibus super impositas, ultra trecenta milliaria, donec omnes Orientis & Occidentis Reges eas viderent, quod scriptum est (Jol. V, 1.) Sic fuit, cum audirent omnes Reges Amorceorum &c. Sed nugantur, qui in miraculis determinant, quae Scriptura non revelavit. Miraculum in eo positum, quod aquae consisterent & in altum assurgerent, licet alveus objecta mole non obstructus esset. Extraordinariam vero aquarum altitudinem fingere, eamque ineptis argumentis probare, non est boni interpretis. Operam perderet, qui iis prolixè refutandis insisteret, ea enim narrasse est refutasse.

§. VII.

Pluribus difficultatibus involuta sunt verba in versu 16. sequentia: Josua dicit: צרתן מצר אשר העיר אדם vel באדם מצר
Prolongando valde apud Adam urbem vel ab Adam urbe, quae ex latere Zarthan (sita est). Duplex h. l. occurrit lectio in codice Ebraeo. Altera: elongando valde באדם ab Adam urbe, secundum Keri; altera se elongando valde באדם apud urbem Adam, secundum Kethibh. Prior hunc sensum exhibet: aquas assurgentes procul recessisse ab urbe Adam, hoc enim significat אדם cum מ constructum: Ex. xxxiii, 7. אדם מן המחנה elongando a castrametatione. Adde Deut. xii, 21. xiiii, 7. Jol. viii, 4. מ enim cum hac radice constructum denotat terminum a quo elongatio fit, Consultum erit h. l. antiquas ver-
 fio.